

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članom 39. stav (2) i 52. stav (1) i (3) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 6/25), na prijedlog Ministarstva zdravstva, Vlada Zeničko-dobojskog kantona, na 87. sjednici, održanoj 27.06.2025. godine, d o n o s i

O D L U K U

o usvajanju Programa utroška sredstava Ministarstva zdravstva na poziciji „Tekući transfer neprofitnim organizacijama“ - „Tekući transfer za udruženja iz oblasti zdravstva - Izvor 10“ Budžeta Zeničko-dobojskog kantona za 2025. godinu

Član 1.

(Predmet)

Usvaja se Program utroška sredstava u razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614300 - „Tekući transfer neprofitnim organizacijama“, subanalitika LAX017, pozicija „Tekući transfer za udruženja iz oblasti zdravstva - Izvor 10“ Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), u ukupnom godišnjem iznosu od 100.000,00 KM (slovima: stohiljada konvertibilnih maraka), koji čini sastavni dio ove odluke.

Član 2.

(Način realizacije sredstava)

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-11-12642/25

Datum, 27.06.2025. godine

Zenica

PREMIJER

po ovlaštenju

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M

utroška sredstava Ministarstva zdravstva na poziciji „Tekući transfer neprofitnim organizacijama“ - „Tekući transfer za udruženja iz oblasti zdravstva - Izvor 10“ Budžeta Zeničko-dobojskog kantona za 2025. godinu

I. PREDMET PROGRAMA

Ovim programom utvrđen je utrošak sredstava planiranih u Budžetu Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24) u razdjelu 21- Ministarstva zdravstva, budžetska organizacija 01, potrošačka jedinica 0001, ekonomski kod 614300 - „Tekući transfer neprofitnim organizacijama“, subanalitika LAX017, pozicija „Tekući transfer za udruženja iz oblasti zdravstva - Izvor 10“.

II. SVRHA PROGRAMA

Svrha ovog programa je pružanje finansijske pomoći udruženjima građana iz oblasti zdravstva registrovanih na području Zeničko-dobojskog kantona za realizaciju projekata na području Zeničko-dobojskog kantona. Finansijska pomoć odnosi se na realizaciju aktivnosti, projekata/programa s ciljem:

- pružanja psihosocijalne podrške članovima udruženja i njihovim porodicama s ciljem lakšeg prihvatanja bolesti i liječenja,
- podrške u nabavci neophodnih suplemenata (dodataka prehrani) i pomagala u svrhu poboljšanja kvaliteta života oboljelih,
- promoviranja brige o vlastitom zdravlju i podizanju svijesti o značaju prevencije,
- edukacije kroz organizovanja javnih tribina i rasprava, okruglih stolova, treninga, radionica i slično.

III. VISINA SREDSTAVA

Visina sredstava utvrđenih ovim programom iznosi: **100.000,00 KM** (slovima: stohiljada konvertibilnih maraka).

IV. IZVOR SREDSTAVA

Izvor sredstava za finansiranje ovog programa su planirana sredstva u koloni Izdaci iz Budžeta (Izvor 10) Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614300 – „Tekući transferi neprofitnim organizacijama“, subanalitika LAX017- „Tekući transfer za udruženja iz oblasti zdravstva- Izvor 10“.

V. KRITERIJ ZA RASPODJELU SREDSTAVA

U skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“, broj: 15/18), raspodjela sredstava će se izvršiti putem javnih poziva za dodjelu sredstava.

Sredstva za sufinansiranje projekata/programa dodijeljivat će se putem javnih poziva za sljedeće namjene:

1. Finansijska podrška udruženjima iz oblasti zdravstva-maligna oboljenja (30.000,00 KM),
2. Finansijska podrška udruženjima iz oblasti zdravstva - osobe oboljele od dijabetesa (30.000,00 KM),
3. Finansijska podrška udruženjima iz oblasti zdravstva izuzev udruženja navedenih pod tačkom 1. i 2. (40.000,00 KM).

Maksimalan iznos sredstava koji može biti dodijeljen jednom udruženju za sufinansiranje projekta/programa je 6.000,00 KM.

Opći kriteriji raspodjele sredstava:

- korisnici su registrovani u skladu sa Zakonom o udruženjima i fondacijama Federacije Bosne i Hercegovine („Službene novine Federacije Bosne i Hercegovine“, broj: 45/02) i Pravilnikom o načinu vođenja registra udruženja i fondacija i stranih i međunarodnih nevladinih organizacija („Službene novine Federacije Bosne i Hercegovine“, broj: 61/02),
- korisnici imaju sjedište na području Zeničko-dobojskog kantona,
- aktivnosti, programi /projekti se realizuju na području Zeničko-dobojskog kantona,
- korisnici su dostavili izvještaj o namjenskom utrošku sredstava za prethodno odobrena sredstva iz Budžeta Zeničko-dobojskog kantona.

Posebni kriteriji raspodjele sredstava su:

- kvalitet i pripremljenost projekta,
- kvalitet planiranih aktivnosti i njihova povezanost sa problemima koji su osnov za utvrđenje prioriteta,
- brojnost članova udruženja,
- da su izmirili sva dospjela poreska i druga dugovanja,
- dosadašnje iskustvo u provođenju istog ili sličnog projekta,
- budžet projekta specificiran na način da se može utvrditi ukupna vrijednost za realizaciju projekta/programa, vlastito učešće u realizaciji projekta/programa, iznos sredstava iz drugih izvora (donacije) i iznos sredstava koji se traži od davaoca sredstava po javnom pozivu,
- očekivani rezultati od realizacije aktivnosti/projekta.

VI. KORISNICI SREDSTAVA

Korisnici sredstava ovog Programa su udruženja građana iz oblasti zdravstva koja su registrovana na području Zeničko-dobojskog kantona u skladu sa uslovima iz javnog poziva za sufinansiranje projekata koji će se realizovati na području Zeničko-dobojskog kantona.

Transferisanje sredstava vršit će se u u iznosima i dinamikom na osnovu javnog poziva i posebne odluke Vlade Kantona o odobravanju sredstava.

Za realizaciju ovog programa zadužuju se Ministarstvo zdravstva i Ministarstvo finansija Zeničko-dobojskog kantona svako u okviru svojih nadležnosti.

VII. IZVJEŠTAVANJE KORISNIKA

Korisnici sredstava dužni su Ministarstvu zdravstva podnijeti izvještaj o namjenskom utrošku sredstava u skladu sa posebnom Odlukom Vlade Zeničko-dobojskog kantona o odobravanju sredstava i uslovima iz javnog poziva.

VIII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 52. stav (4) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 25/24 i 6/25) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-12642/25

Datum, 27.06.2025. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.